

Universitätsbibliothek Paderborn

M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

Quintilianus, Marcus Fabius

Lugd. Batav. ; Roterodami, 1665

Cap. VI. Quod sit incipiendi caussas agere tempus.

urn:nbn:de:hbz:466:1-12945

Certe cum in basilica Julia diceret primo tribunal, quatuor autem judicia, ut moris est, cogerentur, atque omnia clamoribus fremerent, & auditum eum, & intellectum, & quod agentibus ceteris contumeliosum fuit, laudatum quoque ex quatuor tribunalibus memini. Sed hoc votum est, & rara felicitas: quæ si non adsit, sane sufficiat, ab iis quibus quis dicit, audiri. Talis esse debet orator, & hæc scire.

¹ Certe cum in basil.] Initio judicia centumviralia dividebantur in duas basiliæ, deinde divisa sunt in quatuor partes, ^{cam.} est autem basilica amplissima aula, qualis in hac urbe est palatina. Idem. Certe cum in basilica Julia, &c.] Vide Turneb. Adversar. lib. 4. cap. 4.

C A P. VI.

Quod sit incipiendi caussas agere tempus.

Agend autem initium sine dubio secundum vires cu-⁶ jusque sumendum est: neque ego annos definiam, cum Demosthenem puerum admodum actiones pupillares habuisse manifestum sit: *Calvus, Cæsar, Pollio*, multum ante quæstoriā omnes ætatem gravissima judicia suscepérint: prætextatos egisse quosdam sit traditum: ¹ *Cæsar Augustus* duodecim natus annos, aviam pro Rostris laudaverit. Modus mihi videtur quidam tēnendus, ² ut neque præpropere distringatur immatura frons, & quicquid est illud adhuc acerbum, proferatur. Nam inde & contemptus operis innascitur, & fundamenta jaciuntur impudentiæ, & (quod est ubique perniciosissimum) prævenit vires fiducia. ³ Nec rursus

Demosthenes compilatus à suis tu-
toribus, pene puer contra eos actionem instituit, ajunt nonnulli eum natum fuisse 13. annos. atque hodie extant orationes contra Aphobum tuto-
rem. Turneb.

¹ *Cæsar Augustus.*] Suetonius quoque tradit, à Tiberio novem annos nato laudatum esse patrem defunctum. Idem.

² Ut neque præpropere, &c.] Meta-
phora ducta videtur à frondibus, quæ
(ait Columella) decerpere solent rustici ad
jumentorum pabulum. Idem.

³ Nec rursus diff. est tyrocinium.] Ty-
rocinium appellat illum diem, quo juve-
nes solemniter deducebantur in forum,
ut initiarentur causis agendis. Siebat au-
tem magna ex parte quo die sumneba-
tur virilis toga. Auctor Budæus in po-
sterioribus annotationibus. Idem.

I Ut

rursus differendum est tyrocinium in senectutem. Nam quotidie metus crescit, majusque sit semper quod ausuri sumus; & dum deliberamus quando incipiendum sit, incipere jam serum est. Quare fructum studiorum viridem & adhuc dulcem promi decet, dum & venia & spes est, & paratus favor, & audere non dedecet: & si quid desit operi, supplet ætas: & si qua sunt dicta juveniliter, pro indeole accipiuntur: ¹ ut totus ille Ciceronis pro Sexto Roscio locus, *Quid enim tam commune, quam spiritus vivis, terra mortuis, mare fluctuantibus, littus ejetus?* ² Quæ cum sex & viginti natus annos, summis audienciam clamoribus dixerit, deferbuisse tempore, & annis li- quata jam senior idem fatetur. Et hercule quantumlibet secreta studia contulerint, est tamen proprius quidam fori profectus: alia lux, alia veri discriminis facies: *plusque, si separe, usus sine doctrina, quam citra usum doctrina, valeat.* ³ Ideoque nonnulli senes in schola facti stupent novitate, cum in judicia venerunt, & omnia suis exercitationibus similia desiderant. At illic & judex tacet, & adversarius obstrebit, & nihil temere dictum perit: & siquid tibi ipse summas, probandum est: & laboratam congestaque dierum ac noctium studio actionem, ⁴ aqua deficit: & omisso magna semper flandi tumore, in quibusdam caussis loquendum est, quod illi diserti minime sciunt. Itaque nonnullos reperias, qui sibi eloquentiores videantur, quam ut caussas agant.

¹ Ut totus ille Cic.] Sic locutus est Cic. cum ageret de poena parricidarum, ac significare vellet eos elementis omnibus esse privatos. Idem tamen in Orat. ad Brutum ait ista esse redundantiora, neque dum satis matura. quum tamen ista diceret, sequuti sunt maximi clamores, ut ille testatur. *Idem.*

² Quæ cum sex, &c.] Aulus Gell. errasse hac in re scribit Cornelium Nepotem & Fenestellam. Fenestella autem scripsit à Cic. habitam esse hanc orationem 26. ætatis anno, ipse ex temporis suppunctione habitam esse probat 27. ætatis anno. Jam illud deferbuisse metaphoricum

est, estque à vino ductum; vina enim defervescunt, ac redduntur maturiora & mitiora. *Idem.*

³ Ideoque nonnulli.] Antea id scripsit de Portio Latrone, qui peritus aliqui declinatores, cum in forum venisset, pene obstupuit. *Idem.*

⁴ Aqua deficit.] Oratores dicebant ad clypeum, & ex aqua fluxu spatium illis dabatur ad agendum. Igitur declinatores scribere nonnunquam solent prolixam orationem, quum judex brevissimum tempus ad agendum sit datum. *Idem.*

⁵ Cælum

agant. ¹ Cæterum illum quem juvenem, tenerisque adhuc viribus nitentem in forum deduximus, & incipere à quam maxime facili ac favorabili caussa velim, ut catuli feratum molliore præda saginantur: & non utique ab hoc initio continuare operam, & ingenio adhuc alendo callum inducere, sed jam scientem quid sit pugna, & in quam rem studendum sit, refici atque renovari. Sic & tyrocinii metum, dum facilis est audere, transierit, nec audendi facilitatem usque ad contemptum operis adduxerit. ² Usus est & hac ratione M. Tullius: & cum jam clarum meruisset inter patronos, qui tum erant, nomen, in Asiam navigavit, seque & aliis sine dubio eloquentiæ ac sapientiæ magistris, sed præcipue tamen Apollonio Moloni, quem Romæ quoque audierat, Rhodi rursus formandum ac velut recoquendum dedit. Tum dignum operæ pretium venit, cum inter se congruunt præcepta & experimenta.

¹ Cæterum illum quem.] Non præfinit certum tempus causarum agenda-
rum, nec tamen à quibus sit incipien-
dum causis docet. addit, si orator ju-
venis tyrocinium incepit, non debere
illum operam continuare, sed sèpenu-
mero intermissis causis eum ad discipli-
nas tedire oportet. *Idem.*

² Usus est & hac ratione M. Tullius.] Id fecit, quoniam in oratione pro Ro-
scio videbatur offendisse Syllam dicta-
torem. igitur relicta Roma navigavit
in Asiam, ubi dedit operam Menippo
Cenocli & Dionysio rhetoribus. Jam A-
thenis dedit operam Antiocho Academi-
co, Rhodi Apollonio Moloni. *Idem.*

C A P. VII.

Quæ in suscipiendis caussis oratori observanda sint.

CUM satis in omne certamen virium fecerit, prima ei ⁷
cura in suscipiendis caussis erit: in quibus defendere
quidem reos profecto quam facere vir bonus mallet: non ta-
men ita nomen ipsum accusatoris horrebit, ut nullo neque
publico neque privato duci possit officio, ut aliquem ad red-
dendam

*C*ic. lib. 2. Officior. ait satius esse
defendere quam accensare, ita tamen
ut propter justas rationes ad accusatio-
nem descendere debeamus: nec tamen

est committendum ut accusationum
frequentia accusatoris nomen mere-
mur. quod accedit Marco Bruto, ut te-
statur in Officiis. *Turneb.*

K k k i Itaque